

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
GRAĐANSKO ODJELJENJE
Broj: 70 0 Rs 006094 17 Spp
Sarajevo, 10.03.2017. godine

Vrhovni sud Federacije Bosne i Hercegovine u Sarajevu, odlučujući o zahtjevu Pravobranilaštva Kantona Sarajevo za rješavanje spornog pravnog pitanja od 04.01.2017. godine, u predmetu Općinskog suda u Sarajevu broj: P-468/15, na osnovu odredbe člana 61.a) Zakona o parničnom postupku („Službene novine FBiH“ broj: 53/03., 73/05., 19/06. i 98/15., u daljem tekstu ZPP), te odredbe člana 18. Pravilnika o unutrašnjem sudskom poslovanju Federacije Bosne i Hercegovine i Brčko Distrikta („Službeni glasnik BiH“ broj 66/12 i 40/14), na sjednici Građanskog odjeljenja održanoj 10.03.2017. godine donio je:

ODLUKU

Odbacuje se zahtjev Pravobranilaštva Kantona Sarajevo za rješavanje spornog pravnog pitanja u predmetu Općinskog suda u Sarajevu broj P-468/15 koje glasi:
„Da li Pravobranilaštvo Kantona Sarajevo treba da zastupa tuženi Kanton Sarajevo samo radi zaštite imovine i imovinskih interesa Kantona ili i onda kad je predmet tužbenog zahtjeva poništenje rješenja upravnog organa bez postavljenog imovinskog zahtjeva.“

O b r a z l o ž e n j e

Dopisom od 30.12.2016. godine, koje je zaprimio ovaj sud 04.01.2017. godine, Pravobranilaštvo Kantona Sarajevo podnijelo je zahtjev za rješavanje spornog pravnog pitanja u smislu odredbe člana 61. a. Zakona o izmjenama i dopunama Zakona o parničnom postupku.

U konkretnom slučaju neposredni podnosilac zahtjeva za rješenje spornog pravnog pitanja je Pravobranilaštvo Kantona Sarajevo. Odredbom člana 61.a. propisano je da će sud po službenoj dužnosti ili na prijedlog stranke zahtjevom pokrenuti postupak pred VS F BiH radi rješavanja spornog pravnog pitanja. Dakle, ovlašteni podnosilac zahtjeva je samo prvostepeni sud bilo da to čini po službenoj dužnosti ili na prijedlog stranke. Kako je neposredni podnosilac zahtjeva za rješavanje spornog pravnog pitanja Pravobranilaštvo Kantona Sarajevo, zahtjev je nedopušten jer je podnesen od strane neovlaštenog lica pa je iz navedenih razloga Građansko odjeljenje Vrhovnog suda F BiH primjenom odredbe člana 61.a) ZPP odbacilo zahtjev kao nedopušten za rješavanje spornog pravnog pitanja.

Predsjednik Građanskog odjeljenja
Zdravka Grebo-Jevtić s.r.